

POZIV ZA IZRAŽAVANJE INTERESA

Projekat: **Drugi projekat upravljanja čvrstim otpadom: Neum, Bosanska Krupa, Srebrenik i Sarajevo**

Br. granta: **TF 15881**

Naziv ugovora: **„Izrada Glavnog projekta izgradnje transfer stanice sa primarnom selekcijom komunalnog otpada u općini Srebrenik“**

Poziv na broj: **BA-IPA 2011-TF015881-CQ-09-S-16/SR**

Bosna i Hercegovina je dobila grant sredstva Evropske Unije iz programa „Instrumenta predpristupne pomoći za 2011. godinu“ - IPA 2011 za realizaciju projekta „Drugi projekt upravljanja čvrstim otpadom: Neum, Bosanska Krupa, Srebrenik i Sarajevo“, a koji se implementira putem Federalnog ministarstva okoliša i turizma.

Međunarodna banka za obnovu i razvoj (IBRD), odnosno Svjetska Banka, djeluje kao administrator Evropske Komisije za EU IPA Fond.

Javno preduzeće "9. Septembar" d.d Srebrenik kao korisnik sredstava, namjerava iz sredstava granta finansirati troškove izrade Glavnog projekta izgradnje transfer stanice sa primarnom selekcijom komunalnog otpada u općini Srebrenik.

Transfer stanica je mjesto na kojem se komunalni otpad istovara iz vozila za sakupljanje istog, vrši pregled i selekcija korisnog otpada (papir, pet, metal, staklo i sl.), te vrši pretovar i odvoz preostalog otpada specijalnim vozilom veće zapremine na regionalnu deponiju.

Glavni projekt treba da sadrži sve elemente uobičajene za ovu vrstu projektno-tehničke dokumentacije, te isti mora biti urađen u skladu sa propisima i normama koji se odnose na oblast građenja i zaštite okoliša.

Glavni projekat izgradnje i eksploatacije transfer stanice sa primarnom selekcijom komunalnog otpada u opštini Srebrenik treba da sadrži sljedeće dijelove:

- a) Tehnološko-mašinski dio
- b) Elektro dio
- c) Građevinski dio

Pored naprijed navedenog Glavni projekt treba da sadrži i Elaborat zaštite na radu, Plan upravljanja okolišem, pregled svih potrebnih saglasnosti, potrebne analize i proračune, multimedijalnu prezentaciju projekta u Power Pointu na bosanskom jeziku, kao i sve druge sadržaje (opise tehničkih rješenja, proračune, crteže, specifikacije itd), a kako je detaljno navedeno u Projektnom zadatku koji će Punudaču biti dostavljen u daljem postupku pregovaranja.

Također, obaveza Projektanta je da za potrebe izrade Glavnog projekta uradi geodetsku podlogu, odnosno digitalnu geodetsku situaciju šireg prostora deponije, razmjere 1:500,

uvezanu u državni koordinatni sistem, te uradi geomehanički elaborat koji će definisati karakteristike temeljnog tla za objekte i sadržaje transfer stanice.

Izrada projektne tehničke dokumentacije će se vršiti po fazama na sljedeći način.

- U prvoj fazi potrebno je izvršiti analizu predloženih lokacija, te predložiti optimalnu lokaciju, koja će biti usvojena od strane općine Srebrenik;
- Zatim slijedi izrada Idejnog projekta;
- Po prihvatanju Idejnog projekta od strane Investitora, slijedi izrada Glavnog projekta, te nakon toga revizija istog.

Obaveza odabranog Projektanta je i izrada svih naknadnih pojašnjenja, detalja, elaborata, studija i sl., koji budu potrebni u toku realizacije ovog Projekta, kao i u postupcima pribavljanja odobrenja i saglasnosti (vodna akta, ekološka isl.), kao i po potrebi angažovanje drugog pravnog lica koje ima potrebna ovlaštenja za izradu pojedinih dodatnih elaborata, studija i sl.

Procijenjeno vrijeme za izradu Glavnog projekta je 60 dana od dana potpisivanja ugovora.

Javno preduzeće „9. Septembar“ d.d Srebrenik, poziva kvalificirane konsultantske firme da iskažu svoj interes u pružanju predmetnih usluga. Zainteresirani kandidati trebaju dostaviti podatke koji pokazuju da ispunjavaju potrebne kvalifikacijske uvjete i imaju relevantno iskustvo za obavljanje predmetnih usluga.

IZBORNI KRITERIJI:

OPĆI:

- a) Da je pravni subjekt registriran za obavljanje djelatnosti za navedene usluge.

KVALIFIKACIONI:

- a) Iskustvo u obavljanju poslova projektovanja: namanje 8 godina;
- b) Projektant mora imati završen najmanje jedan ugovor na projektovanju pretovarnih stanica ili Centara - postrojenja za upravljanje komunalnim otpadom, u posljednjih 8 godina;
- c) Osoblje koje Projektant predlaže za ovaj posao mora biti kvalifikovano za obavljanje ovih usluga. Obaveza Projektanta je da osigura da na izradi Glavnog projekta budu uključeni eksperti iz oblasti građevine, mašinstva, geotehnike, tehnologije i elektrotehnike (svi sa 5 godina staža, položenim stručnim ispitom, te iskustvom na projektovanju ili izgradnji ove ili slične vrste objekata za upravljanje komunalnim otpadom).

Izbor konsultanata se vrši u skladu sa Smjernicama Svjetke Banke:

Odabir i zapošljavanje konsultanata u okviru IBRD zajmova i IDA kredita i grantova primalaca Svjetske banke" iz januara 2011. godine s izmjenama iz jula 2014. godine; ("Smjernice za konsultante"), i otvoreno je za sve kvalificirane konsultante u skladu sa smjernicama za nabavku.

Pored toga, potrebno je obratiti pažnju na stavove 1.9 kojim se definira politika Svjetske banke u pogledu sukoba interesa.

Konsultanti se mogu udruživati s drugim tvrtkama u obliku zajedničkog nastupa ili pod-konzultantskog odnosa u svrhu poboljšanja kvalifikacija.

Konsultant će biti odabran u skladu s Odabirom na temelju metode kvalificiranosti konsultanata (CQS) navedene u Smjernicama za konzultante.

Dodatne informacije mogu se dobiti na dolje navedenoj adresi tijekom radnog vremena od 08.00 do 15.00 sati.

Iskaze interesa potrebno je predati u pisanom obliku **do 15.08. 2016. godine** na adresu u nastavku (lično ili poštom)

JP „9. septembar“ D.D. Srebrenik
Kiseljaci bb 75350 Srebrenik
Bosna i Hercegovina
N/P Mirzad Fazlić, Direktor
Telefon: ; +387 35 645-714
Fax: +387 35 644-032
E- mail adresa: 9septembarjpk@gmail.com



DIREKTOR

Mirzad Fazlić dipl.ecc.

SREBRENİK

1